



## COMUNU DE MARA

TZITADI METROPOLITANA DE CASTEDDU

### SETORI III - AMINISTRATZIONI GENERALI E ISTRUTZIONI PÙBLICA

Prot. 13931

De su 02/10/2020

**DIRITU A SU STÙDIU ANNU 2020 - BORSAS DE STÙDIU  
PO MÈRITU A.S. 2019/2020**

### AVISU

Si fait sciri a sa citadinàntzia chi est stètia ativada custa interbènnida po su deretu a su stùdiu **BORSA DE STÙDIU PO MÈRITU (a.s. 2019/2020)** dedicata a is studentis chi ant fatu **sa de tres classis de sa scola segundària de primu gradu** e a **is studentis chi ant fatu sa scola segundària de segundu gradu** arricendi una valutazioni finali no prus bàscia de “8/10” o “80/100” cun unu ISEE ancora bàlidu de no prus de **€. 20.000,00**.

Is Borsas de stùdiu postas a cuncursu funt n. **38** e **ant a èssiri spratzias** aici cumentu scrittu innoi asuta:

#### **SCOLA SEGUNDÀRIA DE PRIMU GRADU**

- n. 15 borsas de €. 300,00 po is studentis chi ant fatu sa de tres classis e ant pigau su diploma de scola segundària de primu gradu, cun valutazioni finali no prus bàscia de “8/10”;

#### **SCOLA SEGUNDÀRIA DE SEGUNDU GRADU**

- n. 8 borsas de €. 500,00 po is studentis diplomaus in s’annu scolàsticu 2019/2020 e ant arriciu una valutazioni finali no prus bàscia de “80/100”;
- n. 15 borsas de €. 300,00 po is studentis chi ant fatu is classis 1<sup>a</sup>, 2<sup>a</sup>, 3<sup>a</sup> o 4<sup>a</sup> in s’annu scolàsticu 2019/2020 e ant arriciu una valutazioni finali no prus bàscia de “8/10”;

In sa spratzidura de is assegnus de stùdiu at a essi apariciada una graduatòria aundi s’at a castiai su mèritu scolàsticu e de is cunditionis econòmicas de su nùcleu familliaris aici cumentu scrittu innoi:

#### **a) Mèritu scolàsticu**

A su studentis ant a donai unu puntègiu aguali a sa mèdia de is botus chi at arriciu in totus is matèrias, cumprèndia puru sa cunduta e bogada sa religioni. Po su studentis chi est stètiu licentziau o at arriciu sa maduresa, s’at a castiai sa valutazioni finali arricia.

#### **b) Arrendu**

Bolendi favoressi is famillias in cunditionis econòmicas prus lègias, at a essi donau unu puntègiu prus mannu a is famillias cun ISEE prus bàsciu sghendi custas fàscias:

fascia “A” : ISEE de €.0 finsas a €. 6.665,99	Puntus donaus 1,5
fàscia “B” : ISEE de €. 6.666,00 finsas a €. 13.332,99	Puntus donaus 1
fàscia “C” : ISEE de €. 13.333,00 finsas a €. 20.000,00	Puntus donaus 0,5

Su puntègiu intreu est donau de sa summa de is puntus po s’arrendu e de is puntus donaus po su mèritu. Ant a tenni deretu a sa borsa de stùdiu is studentis chi funt postus beni in sa graduatòria finsas a sa cumpridura de su nùmeru de borsas de stùdiu postas a cuncursu. Si ddoi ant a essi acontèssius de paridadi de puntègiu.

### **Funt bogaus:**

- is studiantis chi ant arriciu dèpidus formativus mancarì promòvius a is esàminis de riparazioni;
- is studiantis chi funt fendì cursus de formatzioni professionali;
- is studiantis iscritus a is cursus seralis;
- is studiantis chi funt fendì cursus privaus;
- is studiantis beneficiàrius de is pròpius agiudus po cussu annu scolàsticu po parti de atrus Entis Pùblicus;

S'entrega de is borsas at a acontessi finsas a spaciai su dinai a disposidura, sighendi sa graduatòria apariciada carculendi is puntegius donaus po sa situazioni ISEE e su mèritu scolàsticu;

Is summas eventualis chi funt sobradas ant a èssiri impreadas po s'atru òrdini de scola.

### **MANERAS DE PRESENTADA DE IS DIMANDAS**

Podint entregai dimanda a su Comunu de residentza cosa sua (Ufìziu Protocolu de su Comunu de Mara) **AINTRU DE SA DIÙ 2 DE DONNASANTI 2020**: su babbu, sa mama, su tutori eventuali de su studianti o su stusdianti e totu si est majori de dexotu annus, prenendi su mòdulu apòsitu e alliongendi ndi custa documentazioni:

1. fotocòpia de su documentu de arreconnoscimentu de su pedidori chi siat ancora bàlidu;

Is dimandas, giai prenas in totus is partis suas, ant a depi essi presentadas:

- a su Comunu de Mara - Ufìziu Protocolu - Bia Nazionale, 61 - de lunis finsas a cenàbara: 9.00-11.00 oras, lunis e mèrculis: 16.00-17.30 oras ;
- imbiada imperendi sa PEC a s'indirizzu mail [protocollo@pec.comune.maracalagonis.ca.it](mailto:protocollo@pec.comune.maracalagonis.ca.it);
- imbiada cumentu arregumandada a su Comunu de Mara - Ufìziu Protocolu - bia Nazionale, 61 - 09069 - Maracalagonis (CA), ma in custu acontèssiu **NO** at a balli sa diù de su sèlliu postali.

### **INFORMATIVA PRIVACY**

Su tratamentu de is datus donaus in sa dimanda e in sa documentazioni alliongiada a cussa po sa arricidura de is agiudus po sa borsa de stùdiu de mèritu e/o po su rembursu de is gastus de viàgiu (L.R. 31/84) at a acontessi ponendi menti a is inditaduras de su Regulamentu UE 2016/679 po is tareas specifìcas de sa procedura de custu bandu, po cussas alliongiadas e chi pertocant a cussu, e cun is maneras cumandadas de sa informativa scongiuntada cunforma e po is efetus de s'art. 13 de su Reg. UE 2016/979, alliongiada a custu bandu, chi at a depi èssiri firmada a pustis de dd'àiri ligia e agradèssia cumentu puru intregada in paris cun sa dimanda alliongiada po s'amitidura a is agiudus imbordigaus po ndi furmai aprti integranti.

### **MODULISTICA E INFORMATZIONIS**

Sa modulistica est a disposidura in su giassu de su Comunu: [www.comune.maracalagonis.ca.it](http://www.comune.maracalagonis.ca.it) e anca est s'Ufìziu de Istruzioni Pùblica.

Cunforma a cussu chi est scioberau in is artt. 4 e 5 de sa L. n. 241/90 e ss.mm.ii. est stètiu agatau, cumentu Responsàbili de su Procedimentu, s'istrutori amministrativu contàbili Silvia Pinna.

### **PO INFORMATZIONIS:**

Ufìziu Istruzioni Pùblica Telèfonu 070/7850210 (responsàbili de su setori)

070/7850203 (responsàbili de su procedimentu)

email: [giuseppina.pedditi@comune.maracalagonis.ca.it](mailto:giuseppina.pedditi@comune.maracalagonis.ca.it) (responsàbili de su setori);

[silvia.pinna@comune.maracalagonis.ca.it](mailto:silvia.pinna@comune.maracalagonis.ca.it) (responsàbili de su procedimentu).

**Su Responsàbili de su Setori**

Dr.ssa Giuseppina Pedditi